

處實堂集

處實堂後集卷之六

長洲張鳳翼起著

祭文

祭蔣叅岳子徵文

嗚呼方秋季之杪不肖斬焉在衰經中不出門戶微聞公
病痢匝月未愈已而聞已下心竊憂之時遣兒問起居無
何而訃至矣不肖懼此大變泣血欲盡然聞公訃不能不
泣數行下也始公方弱冠發軔膠庠不肖幸得蠅附至今
交誼五十年如一日是豈人情所易得哉夫人貧賤時締
交鮮不握手誓天日以爲苟富貴無相忘也一旦窮通殊

致顯晦易轍如意人視躋頓人若將挽之矣乃位益高誼
益篤匪漆而堅不膠而固若公者幾何人哉始不肖于東
山嘉招每不能赴以老母在也茲計畢襄事後此身已作
人間長物庶得從猿鶴下駟追隨杖屨可因杯酒餘歡傾
倒生平而公則仙矣悲夫此固不肖一人之私痛也若乃
揚波告警邊烽叵測上下震鄰于允保障安撫之猷可以
贊助軍府衽席蒼赤者將惟公是藉而今失所藉矣此一
國之痛其亦有知之者乎然在公者目可瞑矣位未躋八
座而已爲大夫齒未躋上壽而已及古稀子未報泥金而
玉樹盈庭奕世未艾目可以瞑矣不肖之痛公亦以此自

慰矣

祭徐氏母子文

萬曆丁酉之秋不肖在衰經中聞徐光祿尊闔湯夫人之
計未遑躬弔也無何而夫人之冢嗣太學君之計又至矣
旬月之間賢母令子相繼云亡悲哉越月不肖畢先慈襄
事始得具瓣香鷄黍之儀率二男致祭于二靈之前而爲
之辭曰于惟夫人淑範夙彰迨嬪于徐有光于湯光祿好
客敬愛忘疲夫人佐之中饋弗弛光祿善教夫人成之旣
敦象賢遂篤孫枝象賢雖萎孫枝嗣茂計日絲綸賁爾身
後道遙九京亦旣純厚

祭錢職方文

萬曆丙申錢先生以服闋赴任卒于塗旅視南還其明年
丁酉五月抵胥江謹以清酌庶羞之儀迎而奠之惟靈誕
祥徵干蕃昌兮宜尚大而侈豐履儉約若寒素兮持苦節
以提躬繫科名于天府兮不期驕而凌物固撝謙之不遑
兮雖微眇其罔忽慎取與于案修兮付于金于四知承嚴
親于耆齡兮等三公于一日應錫祉其惟永兮胡天命之
莫測茲皇華之駢駢兮播 皇仁于遠方珥節于潞河兮
恠使星之失光朝陽舛于長川兮望天顏之可期夕二豎
之潛據兮雖九還其莫施草陳情其初竟兮未由奏于彤

殫心搖搖其戀闕兮魂飄飄其何之豈修文之員缺兮奪
寶臣于明時素悼妻哀兮孤蓬南馳羌白雪之戒征兮入
朱明而始歸嗟丹心之胡泯兮恫青髻之未絲舉鄉閭以
興悲兮知道誼之辱知謹拜手于河濱兮奠椒漿以陳辭

哭弟文

甲辰仲秋九日仲弟養疴荒園爲大盜擁殺明日其兄臨
尸而哭之嗟嗟吾弟年踰古稀而不克令終學貫郡籍而
家無擔石名動一時而毀罹身後一室卧疴而滿園喋血
天耶人耶始吾弟以好奇而赤幘画服其友馮君箴之謂
務奇行者必有奇禍胡若罔聞耶亦豈服之不衷而爲身

之災耶抑亦好盡言以招人過國武子之所以見殺于齊也而弟亦有是耶今者所交必欲委其罪所親不能諱其過所生不能幹其蠱灰何以瞑目哉痛忍言哉弟於七月之間病痢幾危形消肉敗淹淹待盡可以啟手足以最後人全遺體以見先子于地下矣今不歿於疾病而歿于盜賊不歿於正寢而歿於鋒鏑天耶人耶痛忍言哉始季弟之亡也年僅三十有三方是時痛其夭也今日觀之夭者壽耶壽者夭耶天耶人耶痛忍言哉

毛母王夫人祭文

於穆夫人毓于名門考功同宗太史外孫夫人有父爲慶

爲桑飲池見垣流澤斯長夫人有母爲班爲曹博通章含
詠絮才高乃生夫人言歸于毛門當閥閱克配賢豪身舉
鳳雛次第昂霄長也分符暫辭潘輿仲季色養承歡安居
諸孫森森次第當車坤德無疆壽康有餘某昔爲子客爲
麻中蓬今聯姻婭爲蘿附松方占寶婺共佇綸封胡命不
純忽罹閔凶驚悼奔涕誰謂無從長君之行僕實強之夫
人神王可無他虞今日之事咎將安辭三世年詎廿載通
家休戚所關肩勝悲嗟

釋勸文

客有過而詰曰吾聞張奉之於毛義始疑其捧檄而賢

之吾方以望於今之人何子之於毛明府獨不然亦有說乎予笑曰坐我明語子夫人之處世固有跡異而心同者不必執耦耕之未以泥問津之轍也肇明之初以公車報罷也俯就廣文薄祿以爲甘毳計得檄署青浦青浦爲鄰邑去家百里而近遂得奉太夫人以往子道立而師道尊喜無庸疑矣歷四年而陞宰博羅博羅爲嶺海邑去家千里而遙肇明遂不欲往以道險不便迎養也予爲之畫而勸之行曰子第行天覲期可計日待覲典陟明以子之廉政動民當得調繁調則圖其近者迎在固在也詎知政聲方起而太夫人之計至矣柰予言之不酬何及服闋補泰

順泰順縣瘠而弊叢肇明以窮猿投林不暇擇木乃肩其
艱革其弊晨夕罔懈心力俱困抱病浹旬思有邑如此不
可以苟祿臥治力請得回籍予聞而寓書止之已噬臍矣
將因季鷹尊鱸之思成淵明松菊之致矣乃銓司爲國
家惜才不欲成其高而覆以改教例外優處不可負也肇
明復以擔簦無貲逡巡不欲行且曰吾本意祿養今子欲
養而親不在矣何以仕爲予復勸之曰子不聞立身揚名
以顯父母之謂孝乎子以政教之善勒於去思碑賢聲茂
著列於臺部二疏名則揚矣以此不出則顯親之謂何再
出可以俟考成躋清要邀絲綸於九天之上溢恩澤於九

原之下所謂顯父母者可取必也。聲明無然爲問泣數行
下。噫信如是。肇明之必欲爲毛義可乎。不可乎。予之不必
如張奉是乎。非乎。是訪蔡邕。釋誨作釋勸。

誄

誄封楊淑人誄

淑人爲大司空楊公仲女大將軍蕭公元妃在室懷丈夫之節宜家表烈士之氣初大將軍之爲平虜參將也淑人從焉當是時夏孽肆逆分兵四掠平虜孤懸河外實當虜衝將軍守十雉之城被重圍之困淑人始而積薪官舍矢志捐軀旣而委棄簪橐用濟枵腹俾元戎殉國之志彌奮士卒歔綏之氣益揚卒之驍酋隕于一矢堅城隳于三版雖外禦之功亦內助之力也 天子寵賚在事諸臣而淑人遂膺綸綍之命蓋自斬王梁夫人以來受特恩如淑人

者代不多見云庚子之春一疾不起跌坐物化悲夫勲贊
忠猷而封不及一品德崇孝養而壽不滿四旬九族興悲
六軍浩歎嗚呼哀哉大將軍痛鳳臺之已闕嗟馬鬣之既
峙思表懿規徵言野史緘書走幣不遠千里考辭立言狀
志鈞鑒和聲撰德爰作哀誄其辭曰

桓桓少保篤生竊窕祥徵若熊允協嘉兆矯矯節侯是克
好述三星啟期百兩焉修侯事佔俾規之繼述援魯揮戈
勵班投筆侯旣就武策勲疆場三仕三已如唐汾陽侯獨
矜然口不言功誰同卷舒淑人在宮侯守平虜哮逆跋扈
地當寇衝身任禦侮危城孤懸賊勢滔天侯誓九死擬不

一全入訣淑人應以慷慨焚如死如有積薪在餓糧將罄
釜欲生塵中饋捐橐慰此脫巾將無內顧兵威感奮飛鏃
夜發逆酋朝殄啼飢之聲變爲凱歌伊誰之力淑人居多
寧城旣隳戒爾當事仁人之言協從罔治將軍報國勞勩
顯忠功在塞外贊由幄中熙朝將將末忠于孝淑人代之
顧復斯報功周家國德無內外巽命方申泰祉宜佩庚子
之春命胡不純匪玄匪緇坐返其真蘭芳正茂未秋而霜
影孤舞鸞絃絕求凰嗚呼哀哉名享其豐數罹其否贈茲
黃壤有加無已紹述有人敢無俟胎綿延昌祚朱紱方來
嗚呼哀哉

掌教文先生誄

先生諱嘉字休承爲太史公仲子國博公介弟曰象賢曰
難弟斯其人矣秩不登兩都而名滿寰宇祿不充五斗而
壽躋耄耄出則爲青衿之儀範處則爲白屋之典刑肯以
通家之誼遂叨忘年之交爰接文孫屈指四葉述德頌懿
未忘宿草之思簪筆作誄聊寄山陽之感誄曰

矯矯先生秉道履貞名高鳳德業起麟經洙水溫州祖武
是繩試訓吉水鄒浩及門歷湖迨和官卑望尊遠方胡駕
邇接劉轅生困踐更將鬻歛居公曰予軀捐金代輸生罹
仇疾羅織剥膚公曰予雪旣顛旣扶鼎彝棟圖書盈坐

誰謂青毡匪吾故物忽入盜手郡倅議詰公曰任之人亡
人得若遵易訓失得勿恤北郡擊節詩傳玉陽西山稅駕
歸來有堂書法翩翩出李入王繪事旁通璧蘭珍紉凭几
搯觚門待舉火問字屢滿精鑒虛左道周在廣亦慎許可
爲馨靈光作周石鼓壬午之秋殞茲德星上方太史亦幾
九齡次踰國博尤冠著英嗚呼哀哉晚徵蘭玉下壽未膺
喜延桐孫家學克承彼蒼祐善庶幾是憑嗚呼哀哉疇昔
登龍媿予孺子才非仲宣幸叨倒屣忘形先輩隨行父齒
瞻彼白楊感茲黃綺研遺有人書香未已悼亡追往請驗
斯誅嗚呼哀哉

墓志

明故何先生墓志銘

何先生之亡也其二象賢謀爲厓玉計經年而得吉壤于
寶華之麓其明年卜築乃成將克襄事于是則相與叩予
廬而請焉曰先子塋有日矣知先子者宜莫如先生請志
而銘之予曰唯唯方予之少也識先生于青衿中知其非
凡近人也老而與之爲人外交且先生之仲子宗伊以經
明行修爲予二兒師緣是知先生益深則是役也其何辭
先生諱一貫字曾唯其別號若溪以紀善公宦遊時道經
若耶溪先生也世爲蘇之長洲人曾祖鋼祖翔父子忠

楚藩紀善常令湯溪祀名宦母沈氏何故堅族自河南徙鳳陽自鳳陽徙蘇其世系具譜牒譜牒藏家廟家廟火故自高曾而上無可考見焉先生少受業于王國博爲其高第弟子有姑嫁陸而早寡無後先生以父命母視之俾得安享溫厚全其節以壽考終穆廟踐祚詔天下舉忠孝節義者先生以姑節聞竟蒙轉達獲允膺旌典先生喜曰是可以畢先志矣李郭二柱史先後督學于吳謂掩土不獨以文藝也尤重德行之選先生首以行優獎士論以爲宜先生讀書務心得每得之訓詁外故所論著多逸群語然至屢試輒不售乃慨然歎曰吾矻矻窮經三十年無所遇

可以知命矣乃以砥礪學行嚴課諸子故趨庭者皆彬彬
爲時名儒居家嗃嗃雖王疑之閨門若朝廷亦不是過家
人始不能堪久而井井咸若于訓易占悔厲吉于茲驗矣
性抗直面折不能容人之過箴規每爲動色人多擬之蘇
桓公以見則患其教責不見又思之也先是松陵賽社先
生買舟往觀予笑其不憚煩也先生曰過此將不復得往
觀矣不二月而病二豎遊九原其于歿生之際若有先見
云云云銘曰

家爾最若滯斯東人不堪其肅內外以睦繩彼愆或掀爾
髯人不堪其嚴友益卒霑厥修旣茂吁嗟乎弗售移以篤

其後以觀厥祐寶華之陽鬱鬱蒼蒼是惟爾之藏惟爾子
孫其克昌

周君懋修墓志銘

周君懋修與予兄弟友善迨其病予視之榻前君昂首向
予曰吾病無起色身後不朽計惟伯仲是藉予雖不忍吞
而心許之矣無何君訃至予兄弟往哭之其明年爲萬曆
庚子四月十一日諸子將塋君于陸墓報德庵之原乃持
松陵史文學所爲狀來乞銘于予予夙知君徵狀亦能志
君願君家世塋地及生年歿月非狀莫考也按狀君諱時
復懋修其字也世爲蘇之長洲人曾祖詒以鄉薦官興

即世廟龍飛推代來功累遷詹事府少詹事沒贈禮部
侍郎祖琦以歲薦授福寧府推官父岱太學生母韓氏君
生而穎異讀書過目成誦稍長以壯年謁太史文公公提
其耳已而遊邑庠不顧事舉子業好爲古文辭詩章近體
及他聲調多能之予仲氏尤樂爲推轂海內知名之士遊
吳者多枉道造君君咸倒屣焉相與爲名高一時郡邑大
夫暨鄉先生亦樂與交柱國少師申公每至葑溪卽延君
爲地主相對論文未嘗不移日也其以禮聘佐修縣志者
則有如浮梁張令君虛師席延之訓子弟者則有如晉江
陳令君見其所撰讀史一班而欣然樂爲作序者則有如

桃源江令君其相邀入京虛左下榻而資其子雲筆札者
則侍郎韓公也掃徑而二仲之者則叅岳徐公也與之談
桑麻釣畝畝共有無爲卒歲計者則儀曹顧公也蓋君能
操計然之術克其家雖不至素封而所爲擊鮮投轄費者
皆取足于宮中不乏第所親有以緩急告者則或不能給
且又昂昂出入里中傍若無人故亦用是不理于多口然
族有烈婦則思表揚之爲之乞文志墓今祠宇歸然溪上
風一方雖肯堂構不出于君亦不可謂非君之力也較之
持牙籌頭會箕歛自殖者亦廷庭矣君美髯豐頤望而知
其非山澤之癯也顧不得通籍金馬門使印累累綬若若

而僅以儒素終殆亦命矣夫云云銘曰

陸墓之陽報德之旁雲樹莽蒼是惟君之藏珠沉夜光劍
埋千將古壤斯康文昭無疆武穆未央豈惟先德用光亦
俾爾後昆寢昌

文學徐先生暨元配王孺人合葬墓志銘

先生姓徐諱元灝字士登世居長洲之城東先生生而穎
異就外傳卽不逐群兒嬉作偶對多當師意始封公伉儷
以辛勤克家薪水多身任之先生每與諸叔服厥勞已而
力不能卒業則降而業于機紹杼軸間然居故密邇學宮
不能無俎豆之慕又見諸叔蜚聲學校慨然歎曰獨不可

自奮將終其身爲轅下駒乎于是請去其業復業經生言
時先生叔父少宰已聯第選翰林并諸庶吉士矣一日以
冊封歸事竣聞先生事估俸卽召而面試之簪筆而文
立就乃命師魏貳守自是業日益精進丙子就試于督學
使者謝侍御得補長庠生已而從少宰遊京師以文呈海
虞趙太史趙曰是子可教習何經曰禮趙曰吾故專門當
有以授子于是進之爲高第弟子研經悉義益以博總得
窺中秘書識者謂青紫可立致而三戰三北先生處之泊
如也方是時王國博以濂洛之學都授吳中先生亦遊其
門然不以講學爲名高務實踐而已先生出入惟一重自

隨蕭然寒素見者不知其爲貴介也一日檇李沈郡公過
予問少宰有子姪在學否予以先生對沈曰未之聞也予
曰以少宰猶子而不令識面郡邑大夫其人可知沈亦笑
而頷之無何先生以少宰命經理祖塋勞瘁中暑一病遂
不起惜哉先生孝弟天植母病旬月不解帶每夜焚香籲
天瀝血願以身代至感周孝子附此之應及卒哀毀骨立
悉力營塋里中稱孝子焉女弟嫁官將死以孤托之先生
爲撫養備至孤痘殤則爲卜地并其母葬之曰無負妹托
其他排難解紛讓夷焚券有更僕未易數者若戊子之秋
捐試事雪朋儕之侮辱走淮上都下泣訴督學使者而士

氣藉以大振則其一也第令永年則出可爲國家肩盤錯處可爲鄉里敦風俗而鵬鳥入室郊麟云亡是宜少宰之痛惜不啻昌黎之哭十二郎也悲夫初吾吳王翁有女秀而慧翁爲擇良偶得先生曰吾女所宜歸也於是歸先生是爲王孺人孺人來歸時年方十七卽女紅中饋咸通之尤喜近書史一日聞先生讀宋史至文信國詩有留取丹心照汗青之句輒掩卷歎曰勗哉士君子不當如是乎先生服其識醫院經營家人生產取子母錢持籌無暇時先生虞其倦也每跪而幾諫孺人實爲之從更故稱先生之孝者因以知孺人之賢王之宗人賀王之得佳婿徐之宗

人亦賀徐之得佳婦云然不二年而孺人逝矣孺人之卒也
也先先生幾二十年而先生之卒也先醫院幾十年何天之
祐善有不可必如此哉方孺人之亡也先生念孺人賢
且痛其死以免身故是有裨于宗祧意不欲續娶久之不
能違嚴君命繼娶于張終得其內助力字厥嗣以至于有
成今本仁以學行亢其宗殆天有以報王也云云本仁初
卜寶華將塋先生暨孺人乃覘者云有水驗之果則謀遷
鹿山方是時本仁手自爲狀登予堂請銘曰子交先子之
日淺而知先子特深且也幸得托燕霞庶徵諸內言可并
知毋德幸錫之銘以紓不肖終天之痛予旣爲之銘矣追

啟鹿山土則又皆沙礫不可庸而堪輿家家自爲說卒莫
造從本仁恫之甚嬰心疾者經年乃有言實華固有脉乃
向局誤故水由是移穴去舊穴數武并遷祖妣而先生夫
婦遂塋其右焉塋之日爲庚子十二月二十四日夫實華
固先生存時所經營乃以聚訟之說啟聽冰之疑相去十
二年而始復得之卒使沉疴起群喙息猶豫決竟獲遂其
初以慰其幽明詎無天意哉乃復爲之銘曰

始卜寶華已經營幽宮值水續用傾改卜鹿山役繁興厥
土沙礫復無成象賢憂勞青病嬰寶華有壤合烏經地師
察理乃可憑去故數武來龍寧依然一脉鍾坤靈舍昭耽

穆生氣乘雙埋尺壁底雲仍錫爾泰祉莫不增

奉政大夫山西平陽府同知史公墓志銘

始予與季弟同赴公車馳驅齊魯風塵間車殆馬煩暮投
酒家大夫携其仲子繼至傾蓋相勞苦如故旣入京舍館
定則不時相過談洽不知晷之移也已而放榜則仲子獨
得而大夫與予兄弟俱報罷此後予不復出而大夫與仲
子俱在仕路每過吳門必相過至先慈誕辰則寄賀季弟
物故則寄弔不以遐遺也迨大夫懸車不相聞者數年于
茲矣一日其家督手一編造予乃大夫行狀以志爲請也
時予衰病不能構思已燒筆研辭之不獲然亦有不忍辭

者稍爲序而銘之按狀大夫諱自上字體德別號繼峯其
先在漢爲潁陽侯之後二十傳而有諱維則者徙居四明
遂爲鄞人又五傳而爲越國忠定王浩二王三相奕奕稱
相門矣又六傳而爲壽祖贅餘姚之米霖鄉遂世居焉是
生必通必通生仕衡以年近百歲 詔賜冠帶賓鄉飲仕
衡生本端有隱德本端生中憲中憲諱立模由進士授兵
科給事中以抗疏謫歷陞知府多惠政祀名宦者一專祠
者二娶蘓氏封恭人恭人固自有子而大夫則貳室李氏
出大夫旣生而李病瘵不能乳子慈母馮氏子之無何而
中憲恭人及生母李先後相繼沒大夫呱呱馮煢煢然輾

轢之者且耽耽也大夫稍長已露頭角卽奮志向學十大
而補博士弟子員試輒高等辛酉爲督學范公所賞勸
以取解及下第曰需之三年耳至甲子果入彀時范以廉
憲監試自喜昔言之符一時羨大夫之受知而范亦以知
人名于兩浙迨大夫赴公車而馮母病歿于家大夫聞計
哀慟趨裝東歸茹荼銜蓼不足爲喻或勸之從衆母服大
夫曰吾非母無以至今日而服可從降哉一若李愬之服
王夫人然觀喪塋者不覺其非焉母出也大司馬翁公爲
之立傳以表慈孝里中傳誦之已而屢試春官中值避嫌
不成進士則歎曰吾負才績學乃竟踣一第然士必一第

始自見乎就選銓曹出守沔陽沔陽濱江號繁劇昔饒令
瘠大夫下車于賦課則寬于獄訟則嚴而尤以文學飾吏
治在州六載治績多載口碑屢薦考最得推恩行且當晉
臺郎履清要而以太宰引同鄉嫌僅隨牒同知平陽府平
陽故雄郡所蒞凡六州三十五縣州縣數闕長吏大夫每
代視厥篆所在著威惠郡多同姓諸侯而世祿之給美餘
歸所司大夫無所染曰吾以代庖非以利之也時礪賊突
發負嵎中條山督撫檄大夫冒暑治兵星馳露宿竟以弭
盜雖蒙臺獎行且薦擢而風露侵腴理則旣病矣大吏惜
之假以互市差以便醫藥時適相繼有仲季羸博之戚痛

不能起一意乞休大夫性坦豁貌和平行如玉山坐生春
風望而可知其人也至若繩桀黠之操戈可以觀勇理宗
家之莒鄆可以觀義杜場屋之請寄可以觀智則又非和
而同者然而秩不踰再命壽不登古稀惜哉云云銘曰
邑存舜封山秘禹藏鬱鬱佳城阡名平陽瘞爾圭璋厥封
若防卜爾後之吉昌

貢士李先生墓志銘

萬曆癸卯七月七日太華李先生卒其二子卜以是年九
月七日舉先生柩塋于慈雲山祖塋之次方襄事謀始則
捧陸進士季鵬所撰行狀衰經而登予堂泣而拜請銘于

予予與先生友善四十年而遙習知先生微狀亦可以爲志矧季鵬從遊先生之門爲高第弟子其習知先生不下于予且狀疊疊千言言核而賅卽狀亦可以當志故惟志其大都而銘之先生諱春陽字元長又字化始太華其別號也李裔出自隴西自宋南渡居長洲之花巷世爲著姓由徵仕公伯盛四傳而之司城公岳配石氏無出繼杜氏是生先生先生而岐嶷甫就外傳人卽以名家駟目之總角遊邑庠與名流結文社一文出未嘗不爲倫好嘖嘖試輒高等無何而廩于宮一時英髦多從之遊至溧陽諸巨族爭延先生先生爲之談性命講文義數年之間多所

成就焉凡開府監司諸大吏視學必聽講其廣文必借先生以爲重卽偶不在列亦馳使四出要之先生至而橫經開說儀音兼懿多膺上賞爲青衿光歸而晏坐一室洗硯凝香披閱紉帙筆牀茶槍相對爲娛又若不關世事者及有事涉學校係風化當有所激揚者儕輩推先生才辨造門而請之肩先生固樂任事卽任怨弗恤也又不侵爲然諾屢爲人解紛亦罔不心服終無怨尤有豪舉虐士遠近爲之不平時有畏其聲勢持首鼠者先生壯頰攘臂大其聲而呼號于當道至指天畫地陳說顛末聞者聳聽遂得達輦轂下豪竟伏辜士氣少伸先生之力居多焉然先生

慕俠烈爲氣者乎初司城公之卒于官也先生徒步千里
扶輓以歸而不言勞撫弱弟嫁異母姊而不言貧經紀句
曲故人張藻翼之喪而不言費其大節類如此先生蓋孝
義人也先生每都授所得館穀不畜爲橐中裝而時時取
酒留客爲歡客有^蔡先生飲亦未嘗不爲之沾醉醉則揚
聲浩歌可飛梁塵雖不必合調而快然若自有得殆將以
鳴其不平哉卽謂爲袁山松酣醉縱歌行路難可也然名
固籍甚都下矣晚以歲薦赴公車時出所爲詩文示人人
又相傳先生兼能古作且楷法精溜一時求者接轂閭巷
雖子雲筆札君卿唇舌其取重不是過也旣而以謁選尚

愆期乃駟車東歸將需時效識途之用誠哉老驥伏櫪志在千里人亦相期許以爲邁徃未已也何意一病越月實志以沒悲夫云云銘云

爾才則無不宜而不竟厥施爾數則奇慈雲之龍馬鬣其封爾先人是從庇爾子孫其鳴鍾

勅贈彭周二孺人祔塋墓志銘

彭周二孺人皆文大夫子悱先生室也其祔也祔塋大夫之幽宮也大夫令浦江考績膺恩典故皆稱孺人時二孺人皆先已物故故稱贈云萬曆壬寅之春大夫旣老而傳考終命其象賢孝廉輩營佳城獲吉壤將塋大夫思舉二

孺人柩于梅灣權厝以從合塋之制乃銀曩昔大夫所撰
彭孺人志并手書周孺人行略裒紅登予堂而拜焉請合
而志之而系之銘予于大夫忝世誼且知二外家家世頗
習其何容辭彭孺人者徵士孔加先生女也彭自新會公
與太史公善而徵士公與國博公尤號稱莫逆徵士娶予
姑女朱氏國博娶予從姑女錢氏先後皆有娠朱旣生孺
人矣錢免身得大夫遂委禽焉孺人生而秀慧稍長卽佐
其母綜家政徵士貧而僦儻坐客長滿而尊酒時空中饋
莫能給孺人則代爲之給當徵士意徵士奇愛之曰藉此
女而男也其足肩吾家乎且高吾門迨歸則錢氏姑已物

故不及事事繼姑楊似難爲婦而以誠順感之竟得其歡
心時太史公以大耄家居登龍門者輻輳楊旣從國博仕
南都其取具不時皆孺人任之罔不咄辦猶在室時給父
客也太史每稱其賢以爲孔加宜有此女也中歲舉子輒
不育卽飾其娣克侍而又周旋調護撫愛倍至國博公改
官南歸適大夫有亡弓之事緝有踪矣孺人請無以緝盜
事爲急曰大人出而歸歸不挾旬且又出烏可以瑣屑瀆
其聽哉大夫賢而從之已巳大夫以選貢上禮部庚午卒
業南雍辛未客任城三年于外家政悉孺人任之當是時
連殞二女二婢災釁頻仍凡樁死扶生彌縫含垢心力亦

既瘁矣一日襲其篋中得數金趣買一婢莫識其故券成
諭諸女曰吾病矣而父歸將誰使令及而母之存也而教
之凡所當承事大夫者咸授以成則大夫歸卒藉其用焉
雖古之辭輦進賢者何以加此其他若供俎豆則繫以虔
施姻黨則周以稱御臧獲則慈以肅及諸懿行悉權厝志
中故不再述述其人情之所難者孺人生于嘉靖戊子四
月廿又六日卒于隆慶壬申二月十又九日享年四十有
五嗣此而正位乎內者是爲周孺人周孺人世居吳之封
溪肅皇踐祚有從龍而北者曰太常公詔其長子琦以
任子讓其弟而身以貢理建寧建寧子太學位以好學推

擇爲諸生升上舍是生孺人居父生多異徵三歲病幾殆
母盧夢五冠纓佛藥之云女不生貴亦當外貴可無慮且
起病良已無何父歿母重爲之擇婿愆期久之母又歿孺
人則依諸兄以居兄多食貧孺人以機杼自給聲歎未嘗
外聞里中稱周氏有賢女矣大夫乃求而繼彭焉方是時
大夫都授雪川彭孺人新喪而遺所生女尚呱呱也孺人
撫之不啻若已出而女亦不知有失怙之苦尤不事巫覡
禱祀每云人當自反無鬼責可耳奚以禱爲至足帛之態
深絕不爲荆布固甘之也雖謂彭孺人未嘗死可矣時國
博公宦京師卒官無何而繼姑楊亦卒孺人竭心力相大

夫畢襄事周成舉一子卽存廉已復舉二子俱不育思繁
其宗爲大夫再置貳室丁丑從大夫之官官舍以肅甘淡
薄以成大夫之廉諸兄來省孺人則脫簪珥以助之歸戊
寅復生一子己卯冬大夫當入覲無以上道留孺人衙齊
囑以內政孺人方有娠曰我在自能約束第恐我不及新
耳大夫訝其言不祥旣別去則衙齊多恠大升金鬼車哭
鵲晝翔孺人日益不樂曰此殆爲我抱孝廉而泣孝廉時
尚鄙亂不知涕之奚從也其明年大夫還任孺人迎謂之
曰死乃可忍我忍以待君指側室曰此女良宜有賢子善
視之大夫亦訝之以爲不祥至月杪其仲子始能言易驚

啼目投地曰孃去矣孃去矣竟以五夜分免暴卒時大夫
令浦江尚未及考績也孺人生于嘉靖甲寅六月四日卒
于萬曆庚辰五月一日享年二十有七子男三人長震孟
卽孝廉次從印皆孺人出從印後孺人二年而殤震亨史
氏出震纓貳陳氏出陳卽孺人所置許其良而宜子者也
先是彭孺人生四子皆不育生六女而存其三長適文學
陸士仁次適太學生馮時康次適文學姚汝輒孫女一人
震孟出也昔庾袞前妻荀氏繼妻樂氏皆宦族富室及適
袞俱棄華麗與袞安貧苦相敬如賓大夫自謂連得賢婦
頗似之亦可以觀大夫之能刑家矣然二孺人生皆高門

歸皆高門在室皆爲淑女有家皆爲賢婦固稱難也乃彭
雖少延而有子皆不育周既有子矣有子而賢矣而身又
夭折豈作善降祥惠迪協吉之理特于賢淑有弗驗哉且
也必貴之夢亦云奇矣而僅僅止于孺人之贈已哉固知
絲綸之命有加而未已者尚有待于後之人也嗟庶塋周
毋而與彭孺人同舉殆與曹氏塋孫氏慮孤寡無依而令
合塋意同塋地卜于天池山之竹塢是爲地吉塋期卜于
壬寅十二月之望是爲塋吉銘曰

梅灣之窟昔寓雙壁修短殊數絲綸鉤秩相去數年同遷
一日竺塢之與大夫之宅曠歲同歸地塋咸吉存不諸老

歿乃同室孤寡有依觀者歎息黃壤鍾靈青烏幻術馬鬣
齊封龍沙斯匹祈恩蔡卜徵此銘筆

文學趙君元配張孺人墓志銘

萬曆戊戌之三月二十五日江陰文學趙君懋惇之元配
張孺人卒文學卜以明年正月四日將塋之白龍山之新
阡乃手自狀其淑行命家督泛舟南來衰絰而登予堂跪
而出其父所爲狀請志其母之墓而爲之銘而薛君繩武
實爲之介焉乃爲節其辭而系之銘按狀張爲江陰之望
族代濟隱德居大巷里至大叅公簡始以甲科歷官爲廣
東按察司副使用平鸞功進茲階厥門始益大孺人之祖

曰陸陸生伯炫蚤歲遊邑庠知名時文學父延陵公已膺
鄉薦視之且當隨行而特才其人引而進之爲忘年交適
兩家一歲中舉子女遂約爲婚孺人由是歸趙氏旣而延
陵公登仕籍以廉盡節官下不家食矣而猶食貧乃孺人
父母家故饒裕也迨其來歸則豐嗇殊而處之一焉孺人
少習其母氏徐宜人之訓且性寡言笑尤嚴事皇姑許宜
人自問寢外不輕發一言卽妯娌群居亦然許宜人私憂
之曰新婦默默乎得無憊憊乎無何從公之任戒孺人曰
門以內而主之抑以試之也迨歸則見其馭臧獲課紡績
中饋咸井井乃色喜曰新婦迨不言而躬行哉旣而大夫

遷浙臬欲携子婦以行以孺人宜其姑也乃令文學偕至
則公署湫隘與二大人俱言笑不可以出聲然孺人不謂
東也嗣是而大夫懸車嗣是而許宜人易簀嗣是而陸宜
人正位嗣是而大夫捐館舍中間烝嘗簋簋之典庭闈甘
毳之奉賓客俎豆之設盥浴含殮之需追養承歡之節雖
二姒協心并力而責成于孺人者居多盖一人之身而百
責攸萃其焦勞胼胝者殆三十年甫得完喪葬畢婚嫁可
優游偕隱鹿門之烟月而一仆不起然則文學之嗷嗷而
哭之者豈達生弗蒙莊若哉惜其賢而恫其不延也盖其
相夫之婉而正教子之慈而嚴恤孤之愛而周理財之盡

而通凡德之脩而功施于內者狀悉之不贅述云文學姓
趙氏諱樹憲懋惇其字也以學行表鄉閭亦內助有力焉
云云銘曰

生于張兮歸于趙金玉相兮淵窈窕承姑嫜兮薦仁孝主
中堂兮稱克肖儷陽剛兮履柔道名匪光兮德則耀在閨
房兮樹師表施義方兮等胎教宜壽康兮不偕老五十疆
兮亦嫌殀白龍陽兮卜宅圯圉乃藏兮昌厥紹

陳母黃孺人墓志銘

江陰陳君獻琮將葬其母黃孺人乃奉其姻繆當時先生
所為狀請予志而銘之當時文翩翩華而核已足不朽孺

人無俟復徵予言豈以近而姻者嫌于黨遠而疏者庶公
而可信乎按扶孺人姓黃氏十七而歸陳翁翁元配趙則
既有丈夫子二人孺人既歸陳屏鉛華之飾以敦素事翁
雋小星之義以勤慎事趙而宗黨稱良焉曰之婦也不以
媚于進不以伉越分其有後乎越八年而舉子是為獻琮
然孺人不倚子自汰也其勤慎弗改于前趙孺人知其可
肩閭內也遂謝政而俾之代孺人益兢兢又不欲使其子
與二適鼎立乃告翁曰孽並樹者隙之媒也族偏處者爭
之罔也去媒絕因家乃用昌君之業祇應貽二適妾所生
庶子也安敢與二適埒妾藉君之餘潤抒軸之緒可為已

子計使有菟裘以蔽風雨足矣敢以庶為適溷乎翁聞則
大喜且浮白自壽由是一聽孺人所營孺人乃傾其篋笥
聚材鳩工而卜東第為棟宇為輪奐為櫺櫳為譙門不出
閨閫而授指于工師者井井僅五年而有秫百畝有桑百
株穀千鍾牛羊犬豕百足銅器百鈞絲帛絮布百足麴鹽
豆數十甔醬百甔翁與趙孺人過而樂之然則孺人豈獨
坤德脩哉其才亦可槩見矣無何而翁與趙相繼物故孺
人勅獻琮協力二適罔敢後至先世所貽自譜牒圖像之
外罔敢言有無及倭夷作難鹵掠江上家人聞寇至輒思
鳥獸散以自全孺人呵之曰止謂獻琮曰靈樞在堂第令

一不保吾與汝死有餘責趣具糲膠飽壯士夜扶而屑之
比達曙返而冠已火其居矣獻琮泣家人亦泣孺人曰孺
子無泣也吾布衣糲食于此者三十年而乃雍容而有之
烏知生計之難今而後知其難斯無難矣于是獻琮與其
婦夙夜勤劬取敗穢殘礫于煨燼中而鼎新之然取給于
孺人者猶什九烏孺人亦用是勞瘁偃蹇床第者數年竟
不起云云銘曰

無雙之遺寶具令姿若年歸陳脂澤弗施合璧連城家人
其宜既慶徵蘭益謹齊眉坤貞之柔地道之卑矧藉子寵
隨有求得推多取寡餘力尚適既曰肯堂亦善居室運茲

虞實堂集卷之六
心計豐爾，值倭夷入寇，談虎變色，移厝玄宮，免于焚燬。
閨闔之良丈夫之識，沙山故阡，浦橋新壤，馬鬣分封，松門
相望，越世非遙。卜吉鉤爽，祐啟後昆，綸褒斯仰。

虞士黃君元配丁孺人墓志銘

始予嫡母之葬也，則嘗請表學憲魯望志諸墓矣。顧母之
淑德懿行，有非志之所能罄者。方思纂述遺事，編諸家乘，
不意後三十年，乃聞有丁孺人之賢與吾母埒也。丁孺人
生于淑門，夙若于訓，不獨習女紅，而于書傳多通之。父母
為遘厥愆，得黃君待年，至十七而歸之。時君考以嘯鳴督
責于家，號稱難事。孺人勤脩婦道，凡問寒燠，薦甘毳必虔。

必飾務當其尊人之意病則躬湯藥虔禱祀沒則視含殮
薦葵祭宗人稱孝婦矣黃君故個儻好客尤樂追從美難
時或忘迤而家政一委之孺人孺人則中饋擊鮮兼問出
入籌竒贏一無內顧焉方是時君年已三十未舉子孺人
為從史聘貳室弗斬脫簪珥佐之竟生子且以同氣待貳
以已出待子幼而鞠育長而教誨嚴不掩慈愛不怠勞俾
君後嗣有托白首弄孫皆孺人力也夫其處妯娌敬而和
厚宗黨鈞而睦燕賓客具而恒御臧獲仁而肅清門賢婦
類多能之至以樛木之德而臻徵蘭之功致螽斯之益則
尤婦德之所難者乃孺人與吾母未常識面而于此獨若

有得于目擊而承其面命者則予之所以重有感也按丁
黃皆吳之望族孺人父軋母謝子一即省忠庠生娶祖女
二長適陸煒次適郭紹泰俱二室陶出陶即孺人所脫簪
珥佐翁為後嗣計者也云云既葬其子文學以父命手自
為狀以其師施孝廉先生為之介紹而請銘于予施先生
曰此吾門之不輕為然諾者其言言泣也言言實也予既
雅信施先生而復賢孺人之類吾母于是為之銘銘曰
吳推坤厚莫先予母若丁孺人可鈞不朽于歸江夏夙表
賢婦薦遠由秉憂惟無後曰宗邦延熟任其咎教不俟胎
愛推厥偶蕃爾瓜瓞克承俎豆既老而傳亦康且壽至德

之鄉佳城百畝從厥考妣卜其左右月惟蕤賓歲則辛丑
泉臺永奠松門咸扣卜茲青烏儲爾紫綬錫彼玄宮可大
可久

碑

明大中大夫湖廣布政使司左叅政劉公阡碑

大叅劉公之歿也其子殫心力襄事歷七年而始得地于
穹窿之墟卜以萬曆甲辰十一月八日塋公乃手其所自
著狀相率而謁予曰不肖軫明等爲先大夫窀穸計亦良
苦矣然不足以報罔極惟琢堅紀美庶幾不朽今不敢僭
碑于神道而欲煢阡于南陽惟勒碑之言是望予曰唯唯
按劉氏系牒可考信者自刺石州者爲京兆劉氏官建州
者爲建安劉氏至忠顯公韜一門五忠爲五忠劉氏至元
有官平江堊虞麓因家焉者爲穿山劉氏或以官或以謚

綿綿氏賧實一劉也嗣此諱文備者自穿山徙太倉雙鳳
鄉生子坤由雙鳳徙長洲生贈公之良配宜人尤氏娠十
二月而生公公幼擢陵茗之秀長爲清廟之器辛酉補長
庠弟子員覃精發藻爲徐郡公節所賞識甲子秋赴試白
下贈公與俱陸驢曲阿創基公拔東歸竟至易簪祥除
之戚不減初喪一時稱孝焉丁卯登俊人爲公喜而公仍
憂戚痛贈公之不及見也辛未成進士壬申授汀州理奉
母赴任敝車輕裝事從儉約所 劉直指良弼龐開府尚
賜徐觀察中行方勵精政治凡所關白罔不稱便而楚人
之爲臬使爲郡倅者遂有妬入宮者矣先是晉安洪劉三

宦家構佐稱兵計奏未決臬使檄公推勘意在中公也公
簿責擅兵狀褫二官職竄其渠率數人其株連者五百人
一時昭雪具案直指得請無異議己亥賊弄兵黃鄉鴟張
甚遙連三圖新泉朗村而汀屬邑武平爲黃鄉門戶臬使
復以署篆屬公公單車入三圖爲陳禍福賊旣感悟隨嚴
伍案行新泉朗村縛其酋而伏之或問賊均而制之異者
何公曰三圖強急之則困獸鬪其傷必多二方弱可奪魄
下也然黃鄉亦相戒無犯武平而城永定遷三圖亦惟公
方略是藉姑者亦無柰公何矣六年中膺十五薦凡閩之
大利害皆經聲勦迨銓曹舉最僅擢南比部以江陵相銜

其不謝恩私門而臬倅之妻非因得而入之也赴留都至
贈公墜驢處一慟幾絕自是往返皆從龍潭道中不忍復
踐此境矣同署有與江陵中表親者諷公以通問公不爲
動及朱侍御洪謨以忤時削籍公獨祖之緣是始終失江
陵意適司寇有以一布袴賊坐僧盜者公諍之而司寇以
博名高侵公公知其亦楚人意擠公也遂走江上作歸計
趙戶曹世卿追還之且譙讓司寇司寇竟以擅離官守劾
公意在詭遇江陵而江陵奪于公論不欲再挫公遂得予
告公方樂扶輿有終焉之志至庚辰而太夫人強起之隨
縣得南駕部已而轉員外郎時江陵病瘍詔兩都爲禱神

公不欲與以行部滯利爲解時多爲公寒心者及江陵失
喪過龍江而公獨不往弔李賊方誌謂公曰今之避弔易
昔之避醮難有味哉其言矣癸未轉祠部郎中祠部清秩
而所隸教坊則穢數也公持以方嚴而凡舊例所當革者
悉罷之方是時黃大司成鳳翔習膳部孔教馬禮部應圖
汪客部應蛟魏考功允貞李驗封化龍鄒比部元標李儀
部三才皆一時名臣而悉與公締文酒之社白下稱九賢
會云及當叙還閩人之在朝者多思借寇遂擢守汀汀故
公舊理郡悉其利弊乃立之條教嚴其配合正其婚姻而
百年汙俗頓移丁未歲罹陽民菜色公爲發倉賑之主

吏議請公曰是索之枯魚之肆矣有不可過不下移遂發而後請是役也三圖之遷者亦獻穀助賑言以報公公與道舊而賚之先是汀有殺人逋逃而累愚民者公時爲理欲廉其寃而以遷秩行未果也至是復來慮囚則十七人存者三而已公憐而出之其三人者戴公像率男女百許人叩府門泣謝焉公素愷悌雖園墻亦加恤夏啟風戶冬設藁藉囚多感泣戊子秋民遭回祿延及公署公身督徙藏而令吏守獄囚叩頭言久蒙曠蕩無以報卽驅之且不去第令吏撲燎無事守爲公卽與刳期遣之有去者有留助撲者翼且薄呼之無不至當時以爲難是時堂廡麗

樵皆入煨燼計鼎新非三千金不可公身爲慮材量期三
時無害百堵皆作約費僅九百金而已庚寅擢副楚憲督
屯益水利至則祛宿蠹嚴冒沒制猾胥清田糧以千萬計
而屯政以肅蠲吏弊擇主權明覺察平價禁勒商民兩利
而益法以清羨餘則以建岳鄂王祠于江夏不以潤橐也
壬辰轉叅演藩旣而改除楚漢武漢武爲咽頤道而俗囂
橫難治公軌跡夷易擿伏若神強家大猾一時屏息攝學
道則精甄鑑而士多脫穎攝糧道則禁苛斂而卒少息肩
殆隨施而利澤因之矣先是有同年同官者衙公因其門
人按楚屬令訾公而按楚者知其不直反列公薦牘且以

語公公固無憾也無何而其人被論意公報復構成之乃
嗾其黨詆公家宰知其不根歎曰是何異莫須有然姑爲
調停竟以調覆而公則矢志埋輪矣家居以承顏課子爲
政樂其遂初而戊戌之春忽以患癰卒于臨頓里之私第
時三月十六日也云云語云仁者必有後公孝義天篤祐
啟後昆固宜象賢有人麟趾未艾辭曰

京兆開劉肇惟石州是貽孫謀奕葉漸隆延及五忠門閭
以崇學正平江瘞彼崇岡有封若防雲仍屢遷穿山是屢
雙鳳再傳卜洛桑土云自厥祖贈公接武乃篤大叅業以
德兼惠和以嚴中外敷歷官箴是飾允宜竹帛穹隆之陽

北瞻野王是卜厥藏勒石鏤德豐此貞石過者以式

重建吳相伍公廟碑

公之以吳兵入郢也鞭平王之墓以報父兄之讎不知者
訾其倒行而逆施愚獨以爲不然武王伐紂梟之太白之
旗人不得以弑議之以君不君則臣不臣也葵丘之盟曰
毋以妾爲妻此固明天王之法也第令當時有犯之者亦
可以天王之法正之矣平王妻其子之妻則不啻以妾爲
妻而已律之以天王之法繩之以葵丘之約所謂不待教
而誅者非邪孔子之作春秋也夷狄而中國則中國之中
國而夷狄則夷狄之平王有禽獸行則亦禽獸之而已又

何必律之以君臣之誼哉豫讓之事范中行而移事智伯也以為遇我以國士則國士報之遇我以衆人則衆人報之故孟子以為君之視臣如草芥則臣視君如寇讎况殺其父兄先已寇讎之矣雖報之以寇讎亦奚不可公在楚為孝子在吳為忠臣禮固宜祀矣矧法施於民以勞定國以死勤事揆之祭法皆應廟食百祀哉公諱員字子胥楚人終於吳故祀於吳廟在盤門內久既傾圯殘壞斷壁十不一存公之繩武學憲君袁萃過而傷之為卜地於胥門之內百武而近重建斯廟門以公名稱情也學憲以介居貧罄橐中不足以濟鳩聚公私義而助之鋸廟克用成由

是忠臣孝子之典刑煥然復還舊觀矣嗚呼入斯廟而不
勃然興報讎之感者非孝子也入斯廟而不毅然持死諫
之念者非忠臣也廟之有關於風化豈淺鮮哉其助貲諸
賢則列名碑陰附以基址屋宇製度以備考云并系之詩
使歌以祀公

雲茫茫兮水泱泱蘇臺在望兮吳天長親讎報兮子道光
籌國是兮謀罔不臧盧之人兮誠潛藏女抱石兮畢壺漿
彼凡庶兮殉賢良胡乘屋兮摧棟梁萋菲入兮薪豫章鴟
鴞翔兮烹鸞鳳屬鏤至今齒劍鉞歛鴟夷兮浮三江怒濤
鼓兮噴雪霜星眸炯兮燭異方遘良日兮賽儀張列樽俎

今薦馨香神不來兮衆傍徨中流永輪兮駕驪驪神既降
兮靈洋洋衆鼓舞兮歡未央錫禋吾土兮兆庶康喬木並
峙兮蔭中唐輪奐鼎新兮卜無疆

行狀

心疇顧君行狀

君諱道隆字與陞心疇其別號志繩武也世居長洲之黃
埭故稱黃埭顧氏顧姓于吳爲著最久自散騎常侍榮與
賀循同推人望于晉者實肇基焉嗣是二十八世而爲宋
將作監主簿仁又十一世而爲國初淮安同知仲賢仲
賢有孫曰德瑄始卜居下保故又稱下保顧氏德瑄生約
約生璿璿生遼府典膳獄獄生侃配安吉學正湯公女無
出貳浦實生君湯卒吳繼之君自幼至長逮事二嫡咸得
母歡心宗族稱孝焉旣就外傳敏而好學習爲舉子業斐

然成童祖父爲延貢士朱先生爲之師當是時若國博朱公若宗英光祿公大銀臺公皆同門聯席麗澤蓋君之得朱固若杜林之得劉歆而光祿輩之得君亦猶鄭興衛宏之得林也無何補常庠弟子員益奮忘日新文譽籍籍爲諸青衿所推許第數奇入棘圍輒不售乃喟然歎曰吾年且知命矣可矻矻事佔俸乎遂棄去所業治田疇課農桑以述先人之事家故素封而于此益恢其所未備且又好行其德每遇歲歉不憚捐廩粟振之親友貧乏隨有求以濟之曰人勤苦作家而徒自封植是爲財守耳如義何故待以舉火者罔不德君而君無意其德我也昔人謂公子

有德于人願公子忘之殆若人哉君雖居饒然性故樂儉
未常見芬華靡麗而心悅也暇則屏居一室左圖右史時
出所藏玩好古帖名画商彝周鼎與二三相知品評之其
賞鑒家耶抑好事家耶殆蘇氏所謂寓意于物而不留意
于物者已嘉靖間倭夷寇浙闌入吳地將至黃埭烽燹滿
目老赤皇皇自危思爲避逃計君以父襯未塋乃捐金列
之中堂并設牛酒俟之倭至得醉飽取所列金喜而去父
襯得無恙焉不爾且燎原當是時一鄉亦藉以無恙銀臺
公少以家難家日益落然高介自持甘食貧不樂于人君
知其不凡不以再從兄弟故達之無俟其以緩急告而先

意通其有無雖分形同氣不是過也及其成進士令豐城
毫無取于民而空手入覲君曰是非人情且蒙譴乃出百
金助爲交際資後銀臺雖欲次第償而非君所責也儼蔡
病殆家人請禱君曰曷若施德爲啟其篋檢借貸左券悉
焚之逋負家聞而喜爲奔走祈禱祭病旋愈君未老而思
傳四分其業以授諸子別營菟裘于齊女門之隅悠然有
市隱之趣或散步前後北禪古刹或放舟抵武丘支硎天
池諸名勝間七十誕辰諸子爲張具稱觴君婆婆其間神
故王也旣而疾作漸減眠食歷四春秋遂至易簀嗚呼君
生平無赫赫之行而卒多容容之福亦難能矣哉按君雖

無意效古而卽其素履考諸往行多有可相提而論者夫
其然而好深沉之思者非楊雄乎而君之慎密不輕語似
之持身恭儉布被瓦器非王良乎而君之儉素似之嚴拒
陳遵謝辭侯霸非王丹乎而君之擇交似之戒梁松竇固
虞其必敗而後竟如其言非馬援乎而君之料事料人多
中似之牧養親族分與田地非宣秉乎而君之贍族似之
以囊裝千金分其子子二百金乃自以待從寶劍相隨與
子約過給酒食極十日而更次家得寶劍車騎侍從非陸
賈乎而君之再析貲產似之誰謂今無古人也云云將乞
銘于素椽庶一有以姻家故謁予而請狀其行董就所習聞

者爲狀如左

近江蔣君暨配楊夫人行狀

君諱煉字允剛家吳淞江上故別號近江云其先春官侍郎堂在宋爲名二千石守蘇因家于長洲至本朝有達卿者稱賢里中五傳而至原憲尤以長厚孝友著配馬孺人是生君君十二齡而喪父事寡母承長兄撫幼弟咸有則焉時名宿楊先生者以經明行修大都授吳中君亦從之稟學先生才君以女襲之是爲碩人碩人爲童女時夙閑母訓既執婦道式當姑心君躬勤孝養無論盈詘務期于豐碩人罄心力佐之故宗族以孝稱子者未嘗不曰婦順

也君家世業田田未經王守丈量時賦輕重失鈞里胥規
其易凌而裁重其戶下且君所受分世業不皆是也故所
入不足以支賦君捐厥私且令碩人脫簪珥以足之不令
貽母憂也兄歿遺孤甫期育之外家碩人曰兄弟之子猶
吾子可外視之乎君卽迎而撫之延名師而訓之上著姓
而婚之無令嘗孤苦也弟雖出贅亦時還而教育之若兄
子然且碩人所以慰藉之者良厚未嘗糠粃其叔也故弟
亦莊事其兄嫂焉君趨人之急甚于已私里有窶人不堪
繁淫君爲肩其半曰急難讓夷之謂何又時出橐中裝置
役田以爲父計視其煩簡而上下之至今役于公者藉以

不困而頌德者不衰歲大侵米值翔涌嗷嗷者朝不謀夕
君謂碩人曰一穀不登國君徹膳今民皆饑奈何獨飽乃
爲發倉米百石賑之其稱貸者亦不言息卽并子母錢無
之不責也莊辛所謂假人不德不責君實有之親黨有相
讐者每以片言分之雖捐金錢破酒肴弗恤焉至婚喪所
需亦有待以舉火者咸取諸宮中君之折券止訟不殊樊
重而碩人亦樂佐之也君始與中表馬君締石交馬故溫
厚多事君爲之禦侮爲之處分毫無染指焉之倚君卽同
產不殊矣大都君秉性剛方義方之訓不弛夏楚與弟姪
輩語亦多嗃嗃不少假言笑御臧獲尤東瀝至令屏氣不

敢出聲雖王疑之肅閨門不是過也碩人則每以尋道濟
之有二賊盜廩米數斛發覺排追思爲溝壑計碩人召諭
之曰母慮第速悛耳竟以斗粟聞而薄責焉故家人畏君
之嚴而安碩人之慈不啻若例程李尺籍中也易曰有孚
威如終吉君之謂矣又曰坤道其順乎匪碩人孰當之按
蔣宗爲吳望族先後登仕版紆青紫者更僕未易數其間
有授業受知于師而蒙授室者凡爾焉又皆楊姓獨淑滄
女稱節婦者數奇旣天厥嗣子又不得臨其穴乃碩人
諸老偕隱且子孫託託嬰命有待其視節婦爲何如也子
男二長頌府庠生襲曰照諭趙君女繼顧次國器領壬午

鄉薦娶韓女一適邑庠生陳文瓏云云將以九月二十五日舉二樞合寔于斯欲徵銘于當代鉅公手悉其行實屬不肖列之爲狀是役也宗賢少叅君任之宜矣復值其化去而俾不肖代庖夫楊子雲祿位容貌不能動人故人輕其言矧無其祿位者乎顧不肖爲諸蔣撰述者屢矣敗獨于孝廉辭是用序次如左

朝列大夫浙江布政使司左叅議蔣公行狀

丁酉秋不肖斬焉在衰經中聞少叅蔣公病不浹旬而訃至不肖泣血將枯不知涕之奚從也又二年其叅賢錡輩卜地得吉于某原將克襄事而謀祈文當代鉅碩爲不朽

討手述行實屬不肖狀公不肖自弱冠從公雁行遊郡序
迫公舉于鄉一試禮闈報罷歸不肖延公爲季弟燕翼師
其明年不肖與弟同舉于鄉從公上公車其年公遂成進
士自此敷歷中外以至懸車之年易簣之季交如一日也
習公生平者宜莫如不肖則夫撰德紀烈其何能辭公諱
夢龍字子徵別號魯山爲長洲之吳淞江人蔣之宗在東
南者號稱繁昌其籍藉則自宋禮部侍郎堂始堂守蘇卒
官下塋吳縣之堯峯子孫遂家焉數傳卽爲甫三乃東卜
長洲之鄧巷實吳淞之陽其孫達卿在 國初以素封故
遠戍然奕葉則駸駸隆起五傳卽贈奉政大夫思亭公麟

奉政娶唐贈宜人。是生公公在姪而宜人夢龍見于庭。是嘉名所由命也。四齡失侍。即知哀慕。既露頭角。家稱美物。甫就外傳。師推畏友。初試邑庭。則趙令君奇其宏博。旋試監司。則王直指登之弁髦。其明年侍御馮公來董學政。復以公首諸生。當是時。人皆以文譽歸之。而二侍御不謀而同。亦隨以知文名。吳下嗣是試。輒高等。當是時。奉政公猶列青衿。適病在告。公爲兩控學臺。乞紓限。既得而奉政公病不可爲矣。公居喪。哀毀幾至滅性。復強飯以慰大母。龔之哀及服闋。爲甲寅春。則督學趙公臨雲間。公例當赴試。而以龔茲病。依依不能舍。或趣之行。曰。李密陳情之謂何。

吾有號名而已無何督學以倭警輒試入都而祖母旋卒遂得畢會驗云其明年倭寇復大至殺掠焚室廬公首以大母柩爲憂謀舉而瘞之祖塋或云非宜將妨喪主公不顧旣瘞而公卽罹樂正之戚是秋力疾赴試南都遂不克入棘院而歸至冬始舉龔大母及奉政公柩于淺土乃克襄事初未始以始之不遑卜爲失計亦未始以不遑卜致病而簡于禮也辛酉舉于鄉乙丑釋褐爲臨川令時臨川多積弊號難治公下車卽遏猾胥奸民之冒攬清倉廩穀粟之儲蓄蠲糧里之例銀弛防甲之輪辦斷市肆之強買庶案牘之舞文削兵皂之拘縛咬里歇之主唆禁虐名之

誣告寬威黨之株連其他若請華遠驛以省徭銀請移青
泥請設溫家圳之防守以靖盜藪策擒巨豪黎金四而荆
襄間稱神明則既惟民害是除矣而又興菁莪之化兼身
言而教之青衿之士多彬彬翺起矣第公外和而中毅不
畏強禦有貴將僑寓郡中者多好爲請托一則祈釋盜金
吏一則謀室其所淫公皆以非法拒之二貴遂首憾逮入
都而謫興矣故公報政雖最而僅僅量移貳金華然其宜
民之實則生祠可徵夫思碑美政集及江西通志所載皆
可考也金華在群山中故多盜盜卽獲亦善引所疾公職
總郡捕倖得盜必察詞色驗賊物文以審同辨異獄成而

平民無濫及焉監司賢之復令兼郡理其所平反舊獄自
徒流以下幾百五大辟幾二百若戍無賴奪金而雪鑄金
者寃若釋蘭溪馬頭之寃而坐林狗死則兩浙人人稱平
其他類是雖定國無寃不是過也監司益賢之乃俾攝蘭
溪攝東陽攝郡其政績不遑枚舉而在東陽者尤偉始郡
理有囁于催科而激成反側迨新令矯枉過直復姑息長
寇二者皆不得其平中間兩奉臺檄或申論而撫綏之芟
丁糧貼解諸蕪類而石表之或戒嚴而懾服之或不煩兵
刃而寧靖之殆得寬以濟猛猛以濟寬之意其事紀金華
郡志東陽德政碑中辛未春以攝代覲遂超拜南京刑部

郎中方公之遷金華也輿論皆爲公不平至是未及考而
遷人始稱快以屈于金華而伸于南曹也公居南曹其明
慎而不留獄一如治郡邑時然案牘則簡矣故得優游讀
書焚香爲吏隱焉萬曆癸酉 今上上 兩宮徽號公得

蒙恩典于是奉政公唐宜人有贈郁太宜人沈宜人有封
矣其年冬擢僉楚臬楚江防有二而上江爲難以控制武
昌荊岳常沙等州郡由是洞庭至夏口東西二千里間盜
潛伏江漢不時揚帆劫殺風濤助之勢兵吏多愕視也
時江陵相方行督責之術公再歲三奉璽書統內山賊暨
江西之寧州咸屬焉蓋寧爲江藩西鄙接壤平瀏湘陰中

盜匿以百數即大圍山爲之窟會陳寧守計誘盜魁空洞
逐諸盜諸盜遂西徙大圍四出劫掠平瀏諸邑且土民有
爲之耳目者故山寇之難禦倍于浙湘公受命亟戒所部
治舟楫籍勇健相昵塞設策擒捕時適流宜人病疽卒于
官舍仲子鑛呱呱公歸不宿留僅視含斂而平江陳尉恃
勝輕敵爲賊魁羅朝廣所執公聞報投袂起宵發提甲士
設伏山下一戰而俘斬數百自羅朝廣馬保以下罔有逸
者因得陳尉以歸民周綏康人謂數十年勦盜之功未有
若此快者方是時爭擬以不次報功會巴陵王令以躁妄
失上下心爲直指向公注下考公與向有年誼玉怨不爲

緩頰乃誣奏向不法事疏中株連公待勘者累月得白始
有浙藩少叅之命公抵家遽疏乞終養時江陵奪情柄國
或訝爲形其短爲公危之公曰母老且病曩泣謂萬里三
年不圖有今日吾又何忍絕吾裾而不思挂吾冠哉疏竟
上適江陵以乞假送喪暫歸遂得請殆天幸乎亦助順之
理宜然爾公歸而力田養母慈顏以適越五年爲壬午八
月宜人卒公哀毀如禮五十而慕殆幾之矣是月也伯子
登鄉薦人謂可少節公哀而公轉悲慟曰胡不展一月令
母見也服闋撫按周鄧李陳諸公交以名德薦公疏凡十
餘上公堅不起惟修治吳淞堯峯諸祖塋以示追遠慕祭

廬傍水竹花圃藥闌以示怡適昀昀郝郝畦稻隴麥以示
食力凡楚浙諸大夫屬吏贐贈餽遺計可千金公例却之
曰吾營祖父所遺足自給不敢煩諸君捐祿也里中有以
貲郎皇吏議者又有以胄子註誤督過撫臺者先後各捐
千金爲壽請爲解紛公正色拒之曰有法在毋污我當是
時大宗伯袁公憲副金公皆廉介擇交而獨善公者以此
公家居二十年未嘗干公府有私謁惟故故親親稍爲用
情若直金憲副長子之訟而脫其從若念族人世居沮洳
田下下爲請寬常調若割腴田畀同宗之遠戍者若賙唐
沈母黨及姊夫之貧而肩其喪塋者皆是也蔣有二節婦

曰懷曰楊子公爲從祖母皆髫年挺節以老公力爲表揚
又編纂世系補葺家乘而宗法亦賴以立戒諸子砥行慎
交而今之振振皆義方訓也公生平所歷江浙楚三大藩
皆才數而公尤喜爲汲引故當時所識拔士多名碩若侍
御周君孔教饒君耑翁憲吳君撫謙儀部湯君顯祖少宗
伯陸君可教都諫章君尚學徐君學聚進士田君大年梁
君贊化輩是也公居恒無聲伎之好惟對相知決談則疊
疊不倦若義所可否亦侃侃不詭隨至與鄉里話桑麻論
陰晴則溫如春風忘其貴也丁酉公年七十方稱百歲觴
而竟病寒泄不起孔子曰老子其猶龍乎出爲見龍處爲

卧龍庭見之兆信不虛矣云云所著有讀史管窺雜文數百篇行世不肖言雖不斐而事皆扶度可脩葑菲之采若乃傳收名臣所擬南陽則維持化衡者宰焉董狀

誥贈奉政大夫南京祠祭清吏司郎中秋田劉公暨

配封太宜人尤氏合塋行狀

劉贈公之歿也于嘉靖甲子而尤太宜人之歿也于萬曆辛丑相去三十年而遙始公與太宜人偕隱至家督大叅公貴得推恩云公于萬曆丙戌之二月十九日已塋于長洲縣習義鄉甘字圩之新阡矣方是時大叅尚在膠庠擬請銘有待也及大叅沒後三年而太宜人沒時則其家孫

文學君承重焉將上言舉太宜人柩合塋于公之原乃手述其世德屬予序次欲請銘于當代之秉椽筆者且以畢先志予于文學爲忘年交又號稱莫逆其何容辭據文學所述劉肇自豐沛盛于彭城稱于梁史唐以派定七宗而石州刺史始徙京兆宋以謚推五忠而東南安撫始上海虞至勝國時道泰爲平江學正吉爲常熟判官始塋虞麓而家穿山焉嗣是西臺珥以文行顯處士倣以俠烈顯孝庶竑倣以理學顯布及泉以科目顯源遠流長奕葉蕃茂而穿山之劉之推聖族于吳指不多屈矣公之祖文偁于處士爲再從兄弟居太倉雙鳳里季坤庶胡氏出少孤不

禮于其嫡祖倩朱遺氏携之入郡城遂占籍長洲初業儒
後以田爲業故別號東疇配蔡氏是生公公諱之良字士
傑別號秋田仍東疇也幼沈毅不好弄讀書日數行下長
則挺軀鶴立吐辭鍾應鑒而知其爲偉人矣雖能文然數
奇試輒弗售乃棄儒業醫無俟飲上池而精若見垣療病
輒奏效有以文鏹請者則却之曰吾以行吾仁耳識者卜
其有後焉少與袁安節公同筆硯安節旣貴時屏騶候公
公多鑿坏安節訝其遠已公曰我非不知君賢然飛伏殊
塗矣安節益樂與親及公沒爲具舊交服時論兩賢之不
可重王生而賢張廷尉也乙未歲祲饑民有欲伐宰樹者

公束帛祈免惟欲存樹不咎其人其雅量有如此至課子獨嚴令無間伏臘時大叅已露頭角屬文爲朋儕所推公喜且自謂老儒不堪爲之師爲求名師俾從之遊辛酉大叅遂以選充博士弟子員甲子應試留都公與偕行旣歸病作不復起大叅跪請致醫藥公自案在膏肓不復醫藥惟以薄塋爲囑不欲虛地上以實地下也公沒後三年而大叅領鄉薦六年而成進士李汀州秩滿獲贈如子官及大叅累晉秩贈亦如之一爲文林郎再進承德郎再進今銜稱大夫矣享年四十有九配尤氏琴川著姓竹溪處士長女端重寡言婦順母儀遠近取則賢明之譽播諸衆口

敦儉素勤女紅睦姻黨恤臧獲稱未亡人者三十八年如
一日也大叅公之教歷中外以廉平得名太宜人之教爲
多太宜人享年八十有五云云夫以贈公之賢而天固嗇
其壽似將以有餘者昌其後也乃太宜人一哭其夫再哭
其子一哭其女不無哀感時而乘輶開楚扶輿家園欣則
浮干戚焉其視贈公似又天之所篤者矣是雖修短不齊
同歸吉土匪勒金石曷慰幽明是應錫之誌銘以賁泉壤
謹狀

敕封兵科右給事中顧公繼室馬太孺人行狀

馬太孺人者顧封公繼室也封公元配吳氏以所生子貴

則旣贈太孺人矣不幸早世封公求所以繼之者難其人
得清嘉里馬氏女媒妁曰良乃委禽焉旣而與封公偕受
封故亦稱太孺人云始吳太孺人之爲顧婦也上有嚴姑
競競敬事不暇內外之事咸以身肩之頗極勞瘁堂構雖
藉以不墜而病則革矣其歿也封公方卒業南雍而通政
君甫四齡弟妹更幼呱呱泣蓋自合卺以至易簀多憂虞
境而又不及享榮華之養可哀也已太孺人晏然紹之時
上巳無嚴姑又得子女如其所出且身自有所生子女衍
衍享其成雖封公中歲以賦逋爲累困躓城府而太孺人
則鄉居去城三十里而遙罔聞也大都太孺人爲顧氏婦

其爲婦也不必其年之相若而同享其榮其爲母也不必其自己出而均享其養回視吳太孺人壽夭欣戚勞逸不可同年語矣天之所以福太孺人者豈偶然哉太孺人素性嚴于子女間無所假借噐通政君期之大成尤不爲姑息督之不容不潔不以匪已出引嫌也迨通政君學成名立登天府躋清要爲時名卿雖封公庭訓有加而太孺人激勸之力亦居多矣故通政君每痛吳太孺人之不及養而務孝于太孺人者罔貳于所生歲時必製羅綺以進太孺人一御卽藏之篋笥而自爲布素以服通政君進甘毳

亦不盡餐或分其子息曰吾惜福也諺云知福長福其是之謂哉第令焉太孺人不自有子無以彰太孺人爲母之慈通政君不有太孺人爲母無以彰通政君爲子之孝慈孝之間蓋相成也通政君卜以某月某日塋太孺人于祿
字阡之新阡從封公兆將請銘于當代秉椽筆者以爲九
原光授簡不佞曰子知吾家世頗詳幸爲之狀是不辭封
葬以備采焉謹狀

文學對壽葉君行狀

君與予爲中表兄弟少予二十有餘歲每人郡城輒過予
雖分形同氣亦是過也與之譚文藝甚習貌甚偉氣甚壯

予以爲葉世不乏顯者此又其一矣胡意其身不離黌校
年不逮知命而沉埋以歿不亦可悲哉其家督持一編踵
門而告予曰先子棄不肖輩五年於茲矣不肖輩泥于青
烏家言不得吉未克襄事今始卜於今年八月三日將舉
先子柩葬于吳縣樸山之原當乞銘于當代之秉椽筆者
此其素履之略也敢以生平行狀瀆下執事予曰唯唯君
諱重照字道明別號涵溪晚更曰對莖其先南陽人宗族
實繁唐宋間散處徽歙吳越爲吳派者一居洞庭一居太
倉一居吳江之同里而君則同里派也始祖福四贅汾湖
故又居汾湖福四生仲賓以人才科拜官仲賓生蕙蕙生

芳膺歲薦官廣西理問方生紳由進士入諫垣以直節顯
于孝時晉尚寶卿封父如其官是所謂毅齊公者也
其仲子旦爲一愚公舉三丈夫子長可成由進士官虞部
郎仲可與太學生是爲兩溪公卽君父也配鈕氏是生君
君生而英爽弱冠補博士弟子員銳勵研精丙夜不休識
者固以亢宗期之矣會君父以仇有疾幾呈吏議且以疆
項涉不遜禍叵測君爲匍匐公庭委曲申辨當事者爲之
霽威事遂解君孝友天植事生慎終惟禮是視父疾病視
藥惟謹不交睫不解帶者閱月及居喪骨立幾至滅性事
具母惟甘毳是供涼燠是節者幾二十年逮其歿則佐其

伯氏經紀喪塋四方觀禮者稱焉伯氏雖析居而載酒過從無虛旬怡怡如也君身歷諸艱知作家之不易故用財似嗇而實當若佞佛時尚也君實見得非而一文不捨曰吾安能以污邪杼軸所出供沙門伊蒲塞之需哉及有修杠梁築隄防之役者則曰是便民也雖捐錘發廩弗靳焉至若重建長橋諫議之祠宇而城隅之廟貌一新修葺圖山祖塋之崩圯而華表之翔鶴可致則尊祖重宗追養繼孝之典罔弗舉矣殯母弟之喪而恤其孤育妹之女而授之產則敦嫻慈幼切瘼澤枯之德罔弗周矣念故舊之子因其淪落而羽翼之虞糧差之苦量爲粟代而均輸之憫

播遷之依給其飲食而奠安之則援溺起枯濟物利人之
德罔不渥矣其他若睦族而勤問遺延師而豐供饌燕賓
而精治具則又有更僕未易數者蓋其膏也膏其所不當
施而兢兢以暴殄自戒其施也施其所不當膏而汲汲以
無勇自策第令膏一第受一命則必能量出入權奇羸上
爲國計下爲生民計矣而乃以強仕不售鬱鬱鬱此變生
羸博戚同西河乃伐生于淳于之斗后祈歿于信陵之縱
飲豈達生知命之不足哉殆天靳其年而將發其潛光于
後之人也君賦性坦易持已以謙飲人以和無少長貴賤
待之如一與人交則傾肝膈人有過不難面折之身有過

近老類則惜其永不必求全於青眼但令事我於白頭